

詔號糟垣臣後改爲春日臣桓武天皇延曆廿年賜大春日朝臣姓

〔新撰姓氏錄攝津國皇別坂合部〕○部下恐脫連字

同大彥命之後也允恭天皇御世造立國境之標因賜姓坂合部連

〔日本書紀十四略〕六年三月丁亥天皇欲使后妃親桑以勸蠶事爰命螺贏螺贏人名也聚國內蠶於是螺

贏誤聚嬰兒奉獻天皇天皇大笑賜嬰兒於螺贏曰汝宜自養螺贏即養嬰兒於宮墻下仍賜姓爲少子

部連○又見新撰姓氏錄

〔日本書紀十四略〕十五年秦氏分散臣連等各隨欲驅使勿委秦造由是秦造酒甚以爲憂而仕於天皇天

皇愛寵之詔聚秦氏賜於秦酒公公仍領率百八十種勝部奉獻庸調御調也絹縑充積朝廷因賜姓曰

禹豆麻佐一云禹豆母利麻佐皆盈積之貌也

〔古語拾遺〕至於長谷朝倉朝○唯秦氏分散寄隸他族秦酒公進仕蒙寵詔聚秦氏賜於酒公仍率領百

八十種勝部蠶織貢調充積庭中因賜姓字豆麻佐言隨積埋益也所貢絹縑軟於肌膚故訓秦字謂之

秦機織之緣也矣

〔新撰姓氏錄左京諸蕃〕太秦公宿禰

秦始皇帝三世孫孝武王之後也男功滿王仲哀八年來朝男融通王一曰弓應神天皇十四年來朝率

○部下恐脫百字廿七縣百姓歸化獻金銀玉帛等物仁德天皇御世以百廿七縣秦氏分置諸郡即使養蠶織

絹貢之天皇詔曰秦王所獻絲綿絹帛朕服用柔軟溫煖肌膚賜姓波多公秦公酒雄略天皇御世絲綿

絹帛悉積如岳天皇喜之賜號曰禹都萬佐

〔新撰姓氏錄山城國諸蕃〕秦忌寸

太秦公宿禰同祖物智王弓月王應神天皇十四年來朝上表更歸國率百廿七縣百姓歸化并獻金銀

玉帛種々寶物等天皇嘉之賜大和朝津間腋上地居之焉男真德王次普洞王古記云浦東君仁德天皇御世